

RUGBYA

FUTBOLA

Bera Berak el Monteren aurka jokatu du gaur

K.A. / DONOSTIA

Espainiako txapelketan, itzuliko faseari ekingo diote asteburu honetan talde guztiek. Orain arte 11 jardunaldi jokatu dira Ohorezko Mailan eta bi Xerox (Arquitectura eta Getxo) dira sailkapen buru, 18 punturekin. Atzetik, lau puntura, Valladolideko Dulciora eta Quesos Entrepinares taldeak. Hamahiru punturekin, lau talde ageri dira: El Monte Rugby, Santboiana eta Cisneros. Donostiako Bera Bera berriz, azkenurreko postuan aurkitzen da, behera jaisteko arrisku bizi.

Gaur, Sevillako La Cartujan El Monte eta Bera Bera ariko dira aurrez-aurre, 12. jardunaldian. Sevillarrek, galduz amaitu zuten joaneko itzulia Getxoren aurka (27-10) eta egia esan, iazko denboraldian lortu zuten mailara iristeko dexte falta zaie oraindik. Ez dugu ahaztu behar, Espainiako Liga eta Kopako txapelkunak direla andaluziarrak. Donostiarrak ere alde handiz galdu zuten Bartzelonan, Cornellaren aurka (33-10).

Ez dugu ahaztu behar hala ere, denboraldiko aurreko partiduan 13nako berdinketaz amaitu zela neurketa Anoetan. Gero ordea, zeharo desberdina izan da bidea bientzat. Andaluziakoek sei partidu irabazi eta lau galdu dituzten bitartean, euskaldunek bi irabazi eta zortzi galdu. 'Chufi' Buenok entrenatzen dituen jokalariek, gainbeherakoa hartu zuten eta hor dabilta behereko zulotik irten ezinik.

Badakigu dena den, txapelketarik gabeko egun hauetan gogor ekin diotela prestakuntzari, adiskidantza zoko neurketa bat edo beste ere jokatu dutelarik. Gezurra dirudi nola alda daitekeen talde hau aste batetik bestera. Getxoren aurka jokatuak neurketa dugu gogoan oraindik. Motibazio osoz jokatu zuten orduan, hortzak erakutsiz liderrari.

Gaurkoari begira, Bera Berakoek Sevillako enerritmoa haustera zelairatu behar dute. Ahalik eta baloi gutxien eduki dezaten El Monteko atzelariek, izango da donostiarraren helburu nagusia.

Piru Gainza hil da


'Dublingo adarzabalak' zortziehun partidu inguru jokatu zituen Athleticekin

Piru Gainza hil zen atzo Bilbon 72 urte zituela, bihotzekoak jota. Basaurin jaiotako gizon hau Athleticen historian izan duen jokalaria ospetsuenetakoa izan da. Zuri-gorri zaleek ez dute sekula ahaztuko Iriondo, Venancio, Zarra, Panizo eta Piru Gainzak osatu zuten aurrealdea. Orain dela gutxi hil zen Venancio eta 'Dublineko adarzabalak' galdu zuen bizia atzo. Athleticen historiaren zati bat joan dan eurekin.

RAMON BASALDUA / BILBO

Venancioren hileta elizkizunetan izan zen Piru Gainza orain dela denbora gutxi. Atzo ordea, bera izan zen 72 urte zituela bizia galdu zuena. Bere familiako kide batek adierazi zuenez, Piru Gainza ohi bezala jaiki zen goizean, gosaldun eta ohean sartu zen berriro. «Bazkari familiarra egin behar genuen. Prest zegoenean, Piru ez zela jaikitzen eta esnatzeraz joan ginen. Orduan ohartu ginen hilik zegoela». Bertara joandako medikuak bihotzeak jota hil zela baieztatu zuen.

1922. urteko maiatzaren 28an jaio zen Basaurin eta hamasei urte zituela fitxatu zuen Athleticen, 1938-39 denboraldian hain



Piru Gainzak 20 urtetik gora eman zituen Athleticen jokalaria bezala.

zuzen. Hasiera batean Gainzak arazoak izan zituen hamaikako titularrean sartzeko, Gorostiza baitzegoen bere aurretik. Nola-

nahi ere, Valencia futbol taldeak 'Bala gorria' fitxatu zuenean Piru Gainzak titulartasuna eskuratu zuen, 1940-41 denboraldian.

Gainzak hogeitak gora eman zituen Athleticen 1958-59 denboraldian 37 urte zituela erretiratu zen arte. Kide ugari izan zuen Basauriko jokalariek eta Athleticen historiaren aurrealde ezagunenaren partaide izan zen Iriondo, Venancio, Zarra eta Panizorekin batera. Gainzak zortziehun partidu inguru jokatu zituen elastiko zurigorriarekin. Horrez gain, egun ari diren jokari askok nahiko lituzketen garaipenak eskuratu zituen. Zazpi aldiz irabazi zuen Kopa 1943, 44, 45, 50, 55, 56 eta 1958 urteetan. Liga irabaztea zer den ere bazekien Gainzak, txapelkun geratu baitzen 42-43 eta 55-56 denboraldietan.

1945. urteko martxoaren 11an jokatu zuen bere aurreko partidu Espainiako selekzioarekin. Hurrengo hamar urteetan hogeitamar partidu jokatu zituen Espainiako elastikoarekin. Piru Gainza 1950 urtean Brasilen jokatuak Munduko Txapelketan izan zen, eta bera izan zen Zarra Ingalaterrako selekzioari sartu zion golaren jokaldian azken pasea eman zuena. Horrez gain, basauritarrek partidu itzela jokatu zuen Eireko selekzioaren aurka Dubline eta 'Dublingo adarzabala' ezizena jarri zioten.

Bere arimaren aldeko hileta elizkizunak gaur arratsaldeko 18.00etan egingo dira Basauriko San Pedroko parrokan.

ESKUBALOIA

Jugoslavia garaile berragerpenean

DONOSTIA

Jugoslaviako eskubaloia selekzioak garaipena eskuratu zuen Espainiako Nazioarteko Torneoan eginiko 'berragerpenean'. Jugoslaviarrek Frantziaren aurka jokatu zuten lehen jardunaldian, eta arazo dexterekin izan bazen ere, azkenean garaipena beren alde erori zen (22-18). Nenad Perunicic Elgorriaga Bidasoako jokalariek Jugoslaviarekin jokatu zuen, eta 4 gol lortu zituen guztira.

Beste partiduan, Espainiak pronostikoak bete egin zituen Esloveniaren kontra, 23-19 irabazteko. Euskal ordezkarien artean, Aitor Etxaburu eta Josu Olalla titular izan ziren. Piboteak gol bat egin zuen, eta Olallak berri, bi. Mateo Garraldak, ordezko bezala, bi gol lortu zituen.

Gaur torneoko bigarren jardunaldia jokatu da, partidu hauekin: Eslovenia-Jugoslavia (11.15) eta Espainia-Frantzia (13.00).

EUSKAL

onbola

AUTOAREN ZENBAKI SARITUA

531.110

OHARRA: Urtarrilaren 17a arte izango du balioa zenbaki honek. Agertuko ez balitz, urtarrilaren 18an beste zozketa egingo litzateke.